

Ս. Հ. ԲԱՂԴԱՍԱՐՅԱՆ

ԱՐԱՐԱՏՅԱՆ ԲԱՐԲԱՌԻ ԲԱՂԱԶԱՅՆԱԿԱՆ ՀԱՄԱԿԱՐԳԻ ՄԱՍԻՆ

Արարատյան բարբառը հայերենագիտության մեջ ընդհանուր ճանաչում է գտել որպես գրական լեզվի հիմք: Միանգամայն բնական կլիներ, որ մեծ պատմություն ունեցող հայ բարբառագիտությունը ամենայն մանրամասնությամբ ուսումնասիրած լիներ այդ բարբառը՝ ենթաբարբառներով ու խոսվածքներով հանդերձ, սակայն այլ է իրական վիճակը:

1910 թ. մեծանուն հայագետ Հր. Աճառյանը նշում էր, որ հակառակ իր կարևորության, Երևանի բարբառը, ինչպես և իր երեք ենթաբարբառները դեռ ուսումնասիրված չեն¹: Այդ նույնն է ընդգծել նաև հետագայում²:

Դեռ այսօր էլ Արարատյան բարբառը մնում է որպես մեր լեզվի, եթե չասենք շուսումնասիրված, ապա՝ քիչ ուսումնասիրված բարբառներից մեկը:

Նրա որևէ ենթաբարբառ կամ խոսվածք առանձին հետազոտության առարկա չի դարձել, իսկ շատերն էլ, ընդհանրապես, դուրս են մնացել տեսադաշտից:

Արարատյան բարբառին անդրադարձել է Հր. Աճառյանը: Հեղինակը ուրվագծել է Երևանի բարբառի հիմնական հատկանիշները, այնուհետև կանգ առնելով Աստապատի, Թավրիզի, Բայազետի խոսվածքների բնորոշ կողմերի վրա՝ բերել է նմուշներ այդ, ինչպես և՛ Ն. Բայազետի ու Լոռվա խոսվածքներից³:

Պրոֆ. Հ. Աճառյանի վկայությամբ, այն տարածությունը, որի վրա խոսում են Արարատյան բարբառով, «Հարավից տարածվում է և մտնում է Պարսկաստան, Ատրպատական, արևմուտքից՝ Կաղզվան, մեջն առնելով նաև Սուրմալուի գյուղերը (բացի Իգդիրի շրջանից, որը Խոյի գաղթականությունն է), հարավ-արևմուտքից մտնում է Արևմտահայաստան և հասնում մինչև հին Բայազետ, հյուսիսային և հարավային կողմերից շփվում է Կարնո և Ղարաբաղի բարբառների հետ, որոնք իր այս երկու սահմաններն են գծում: Հյուսիսային կողմից ձևացնում է մի առանձին կղզյակ Բորչալվի գավառում (Շամշադինի մի մասը, Լոռի և շրջանները)»:

Աճառյանը բարբառի հիմնական կենտրոններն է համարում Երևանը, Նորքը, Քանաքեռը, էջմիածինը, Օշականը և Աշտարակը⁴:

Արարատյան բարբառի տեղակայման մասին պրոֆ. Ա. Ղարիբյանը գրել է. «Արարատյան բարբառով խոսում են Արարատյան դաշտում, Վայոց ձորում, Նոր Բայազետի, Լոռու և Սպիտակի շրջաններում: Գրականությունից

¹ Հր. Աճառյան, Հայ բարբառագիտություն. Ուրուագիծ և գասավորություն հայ բարբառների (բարբառագիտական քարտէսով), էմինյան Ազգագրական ժողովածու, հ. Ը, էջ 46:

² Հայոց լեզվի պատմություն, 2-րդ մաս, Երևան, Հայպետհրատ, 1951, էջ 330:

³ Հր. Աճառյան, Հայ բարբառագիտություն, էջ 37—51:

⁴ Հր. Աճառյան, Հայոց լեզվի պատմություն, 2-րդ մաս, էջ 329:

հայտնի է, որ Արարատյան բարբառով խոսում էին Սուրմալվի ու Կաղզվանի շրջանները»:

Այնուհետև. «Արարատյան բարբառով խոսող քիչ թե շատ մեծ քանակությամբ գյուղեր գտնվում են Նրևանի, Կոտայքի, Վաղարշապատի և Աշտարակի շրջաններում: Արարատյան բարբառով խոսում են լոռեցիները»: Հեղինակը նշում է նաև, որ Արարատյան բարբառով մաքուր խոսվածք կարելի է գտնել Փարսի գյուղում, Հոկտեմբերյանի շրջանի գյուղերում...⁵:

Արարատյան բարբառի տեղակայման մասին նույն կարծիքն է հայտնել Ա.Տ. Գրիգորյանը⁶:

Հայերենի այս ամենահին բարբառներից մեկը չափազանց լայն տարածում ունի, սակայն փաստերը վկայում են, որ բնութագրող եզրակացությունները խարսխված են եղել սակավաթիվ վայրերի, ենթաբարբառների ու խոսվածքների վրա: Բազմաթիվ շրջաններ, հարյուրավոր գյուղեր, ավաններ, բնակավայրեր, որոնց բնակչությունը խոսում է Արարատյան բարբառով, նրա այս կամ այն ենթաբարբառով ու խոսվածքով դուրս են մնացել տեսադաշտից: Ճիշտ է, Արարատյան բարբառի մասին խոսելիս հիշատակվել են նաև այդ շրջանների անունները (Լոռի, Ալավերդի, Նոյեմբերյան, Սպիտակ, Հոկտեմբերյան), սակայն այդ խոսվածքները չեն ուսումնասիրվել:

Տալով մի քանի շուսումնասիրված շրջանների բարբառային ուրվանկարը՝ համառոտակի կանգ առնենք Արարատյան բարբառի՝ Հոկտեմբերյանի, Սուրմալուի, Նոյեմբերյանի, Ալավերդու, Սպիտակի, Կարմիրի խոսվածքների վրա, որոնք հետաքրքրական են և լրացնում, ամբողջացնում ու ճշտում են Արարատյան բարբառի մասին մինչ այս ասվածը:

Հոկտեմբերյանը մեր հանրապետության մեծ շրջաններից է. ունի մոտ քառասուն բնակավայր: Շրջանը չափազանց հետաքրքրական է բարբառային ողջ նկարագրով ընդհանրապես և՛ որպես Արարատյան բարբառի, նրա ենթաբարբառների ու խոսվածքների տեղակայման վայր՝ մասնավորապես:

Ըստ բարբառային նկարագրի, շրջանի գյուղերը բաժանվում են որոշակի խմբերի⁷:

1. Արարատյան բարբառի ենթաբարբառներով և խոսվածքներով խոսող գյուղեր.

ա) Արարատյան բարբառի խոսվածքներով՝ Նալբանդյան (Մ. Շահրիար), Փոքր Շահրիար, Այգեշատ (Ղուզիզիդան), Արազափ (Էվջիլար), Մարգարա, Վարդանաշեն (Զիբխշի), Տանձուտ (Արմալու), Հայկավան (Թափադիբի), Արգավանդ (Ուզունօբա), Արմավիր (Ղուրդուղուլի).

բ) Արարատյան բարբառի՝ Բայազետի ենթաբարբառներով՝ Մրգաշատ (Գեշուլու), Զանֆիդա.

գ) Արարատյան բարբառի՝ Բագրանի ենթաբարբառով՝ Բախշալար, Խերիբեկլու.

դ) Արարատյան բարբառի՝ Սուրմալուի ենթաբարբառով՝ Էրասխահուն (Ղուռի Արաղ), Վարդանաշեն, Նալբանդյան, Հայկավան, Սովետական, Շենավան, Գետաշեն:

5 Ա. ր. Ղ ա ռ ի բ յ ա ն, Հայ բարբառագիտություն, էջ 219:

6 Ա.Տ. Գ Ր Ի Գ Ո Ր Յ Ա Ն, Հայ բարբառագիտության դասընթաց, էջ 205:

7 Սույն բաժանումը կատարելիս, պարզ է, նկատի ենք ունեցել խոսվածքի, ենթաբարբառի հիմնական տարրերը:

2. Արարատյան և «կր» ճյուղի, հատկապես Մշո բարբառի խառնուրդ ներկայացնող խոսվածքով՝ Շենավան (Քյալագյարխ)։

3. Մշո և այլ բարբառներով՝ Բամբակաշատ (Մուլլաբայազետ), Հոկտեմբերյան գ. (Սարգարապատ), Նորապատ, Շախվառուտ, Սովետական։

4. 1927—1928 թթ. կազմակերպված մի քանի գյուղեր, որտեղ բնակություն են հաստատել մեր հանրապետության զանազան՝ հիմնականում լեռնային շրջաններից եկածներ։ Վերջիններս բարբառագիտական տեսակետից որևէ հետաքրքրություն չեն ներկայացնում։

Ալավերդու, Նոյեմբերյանի, Կիրովականի, Ստեփանավանի շրջանները Սպիտակի շրջանի մի քանի գյուղերի հետ միասին կազմում են պատմական Տաշիրքը՝ Լոռին։

Գրականության մեջ նշված է, որ Լոռին է միակ վայրը, որտեղ Արարատյան բարբառը կազմում է ճնշող մեծամասնություն⁸։ Իսկապես, Լոռին, հատկապես, Ալավերդու և Նոյեմբերյանի շրջանները, այն եզակի վայրերից են, որոնք աչքի են ընկնում ու գրավում են ուսումնասիրողին բարբառի միատարրությամբ և լավ պահպանված լինելով։

Լեռնածերպերում ծվարած այնպիսի գյուղեր, ինչպիսիք են Աթանն ու Ահնիձորը, Ճոճկանն ու Շնողը, Զիլիզան ու Կաճաճկուտը, Լորուտն ու Շամուտը (Ալավերդի), Արճիշն ու Ղոշխոթանը, Բաղանիսն ու Զուլեանը, Կողբն ու Ղալաշան (Նոյեմբերյան) Արարատյան բարբառի՝ Լոռվա խոսվածքի շտեմարաններ են և ցանկալի վայր նրանց համար, ովքեր հետաքրքրվում են մեր լեզվի բարբառներով։ Այս դեպքում պետք է աչքաթող չանել այն հանգամանքը, որ մեր հանրապետության շրջանների ճնշող մեծամասնությունը բնութագրվում է բարբառների ու խոսվածքների բազմապիստությամբ, բազմազանությամբ, որը խաթարում է դրանցից յուրաքանչյուրի անաղարտությունը։

Ալավերդու շրջանը (Մոտկորի, Ուզունլարի, Շնողի ենթաշրջաններով) բաղկացած է 35 գյուղից ու բնակելի կետից։ Դրանցից ութը օտարաբնակ ու խառնաբնակ են և, այս առումով, որևէ հետաքրքրություն չեն ներկայացնում։ Մ. Այրում, Փ. Այրում գյուղերում բնակվում են ադրբեջանցիներ, Վ. Ախթալա, Բենդիկ գյուղերում, Ախթալա ավանում, Շամլուղ գյուղում և ավանում՝ հույներ, ադրբեջանցիներ, ռուսներ։ Թումանյան ավանը 10—15 տարվա պատմություն ունի, և բանվորները, բացի շրջանի գյուղերից, եկել են և այլ վայրերից։ Մնացած գյուղերը՝ Աթանը, Շամուտը, Լորուտը, Ահնիձորը, Մարցը, Քարինջը, Թումանյանը (Դսեղ), Զկալովը (Սադի-Բագդի), Ուզունլարը (Օձուն), Ամոջը, Կ. Աղեգին, Մղարթը, Ղաչաղանը, Ծաթերը, Դանուշավանը (Այգեհատ, Իգահատ), Արդվին, Հազվին, Կաճաճկուտը, Աքորին, Ակները (Որնակ), Հաղբատը, Սանահինը, Ծաղկաշատը, Նեղոց գեղը, Շնողը, Թեղուտը, Ճոճկանը և Զիլիզան խոսում են Լոռու խոսվածքով։ Յուրօրինակ և հետաքրքրական խումբ է կազմում միայն Մարց և Քարինջ գյուղերի խոսվածքը։

Նոյեմբերյանի (Բարանայի) շրջանը ունի հետևյալ բնակելի կետերը՝ Ոսկեպար, Գոմշավար, Բաղանիս, Կոթի, Ղոշխոթան, Զուլեան, Նոյեմբերյան (Կենտրոն), Դովեղ, Ղալաշա, Կողբ, Վ. Քյորփու, Պողավան, Լավար, Դեբեղաշեն, Արճիշ, Լճկաձոր, Կողման, Միջին Քինթ։

⁸ Ա. ր. Ղ ա ռ ի ր յ ա ն, Հայ բարբառագիտություն, էջ 219։

Սրանցից Կոզմանը, Միջին Քինթը, Գոմշավարը անասնապահական վայրեր են կամ, ինչպես իրենք են ասում, «սար» են, որտեղ տեղակայվում են այս կամ այն գյուղի բնակիչները, Վերին և Ներքին Քյորփուներում բնակվում են աղբբեջանցիներ, մնացած բոլոր գյուղերում խոսում են լավ պահպանված լոռու խոսվածքով:

Արարատյան բարբառի ուսումնասիրության համար հետաքրքրական և ուսանելի է Սպիտակի (Համամլու) շրջանը: Շրջանի 24 գյուղերից երկուսում՝ Սարալում ու Ղուրսալիում բնակվում են աղբբեջանցիներ: Գյուղերի մեծ մասը խառնարնակ է: Բնակչության գերակշռող մասը բասենցի է (կը ճյուղի Կարնո բարբառի ենթաբարբառ, որը նույնպես չի ուսումնասիրված), կան նաև մշեցիներ, վանեցիներ, դարսեցիներ և այլն: Այս շրջանում վեց գյուղի խոսվածքն է պատկանում Արարատյան բարբառին. այդ գյուղերն են՝ Մեծ Պարնի, Գոփարան, Կաթնաջուր, Չիգղամալ, Լեռնանցք և Սպիտակ (շրջկենտրոն): Այդ բարբառով է խոսում և Շենավան գյուղի կեսը: Շրջանի Քարաձոր գյուղը ոչ շատ վաղուց գաղթել է Կիրովականից և խոսում է այդ բարբառով: Հետաքրքրականը այն է, որ այսքան սակավաթիվ գյուղեր Արարատյան բարբառի այլևայլ խոսվածքներ են ներկայացնում:

Լոռվա խոսվածքն է Մ. Պարնի և Գոփարան գյուղերում: Կաթնաջուր գյուղը խոսում է Քանաքեռի խոսվածքով, ունենալով որոշ տարրեր Աշտարակից: Սպիտակ, Չիգղամալ, Լեռնանցք գյուղերի խոսվածքը հնչյունական համակարգով նման լինելով Հոկտեմբերյանի շրջանի Արմավիր, Արգավանդ գյուղերի խոսվածքին, ձայնավորների հնչյունափոխությամբ նույնանում է լոռու բարբառի հետ, ձևաբանական իրողություններով լոռու և վերոհիշյալ խոսվածքների մի խառնուրդ է ներկայացնում:

Արարատյան բարբառով խոսող գյուղեր կան և Կարմիրի շրջանում: Արարատյան բարբառով այստեղ խոսում են Հին և Նոր Բաշքենդ, Ներքին և Վերին Ծամբարակ, Օրջոնիկիձե և Թթուջուր գյուղերի բնակիչները:

Այսպիսով, Հոկտեմբերյանի, Նոյեմբերյանի, Ալավերդու, Սպիտակի, Կարմիրի շրջանների ութ տասնյակ գյուղերում խոսում են Արարատյան բարբառի խոսվածքներով: Դրանցից և ոչ մեկը չի ուսումնասիրվել, այս կամ այն առիթով հիշատակվել է մի երկուսի անունը միայն:

Արարատյան բարբառի տերիտորիալ լայնահունությունը ընդգծելով հանդերձ՝ ուսումնասիրությունները դուրս չեն եկել Արարատյան դաշտից, որը նույնպես լրիվ չի ուսումնասիրվել: Հետևանքը եղել է այն, որ Արարատյան բարբառը չի պատկերվել այնպես, ինչպիսին այն կա իր ամբողջության մեջ:

Բարբառագիտական գրականության մեջ Արարատյան բարբառը համարվել է քառաստիճան բաղաձայնական սխտեմ ունեցող բարբառ¹⁰:

Հնարավոր է, որ հետագա ուսումնասիրությունները երևան հանեն մեր լեզվի այս ամենամեծ բարբառի նոր հատկանիշներ, սակայն լինելով Կոտայքի, Աշտարակի, Բայազետի, Ստեփանավանի, Հոկտեմբերյանի, Ալավերդու, Նոյեմբերյանի, Սպիտակի, Կարմիրի շրջանների գյուղերում, ծանոթանալով դրանց բարբառային ուրվանկարին, հատկապես Արարատյան բարբառին ու նրա խոսվածքներին, եկել ենք այն խորին համոզման, որ Արարատյան բար-

¹⁰ Հ. ր. Ա ճ ա ո յ ա ն, Հայոց լեզվի պատմություն, էջ 330: Ա. ր. Ղ ա ր ի ր յ ա ն, Հայ բարբառագիտություն, էջ 218, 221: Ա. Կ ր ի ց ո Ր յ ա ն, Հայ բարբառագիտության դասընթաց, էջ 206: 2*

բառը չպետք է համարել այս կամ այն աստիճանի բաղաձայնական համակարգ ունեցող բառեր: Այն՝ հայերենի բառերների հնչյունական համակարգերի համընդհանուր մի պատկեր է ներկայացնում:

Մեր լեզվի բաղաձայնական բարբառների իրողությունների դրսևորմանը ակա-նատես ենք լինում Արարատյան բարբառի և նրա խոսվածքների ոչ միայն բաղաձայնական համակարգում: Արարատյան բարբառն ու նրա խոսվածքները շտեմարանն են հայերենի բարբառների հնչյունական, ձևաբանական շատ ու շատ երևույթների, սակայն այստեղ կանգ կառնենք բաղաձայնական համակարգի ու նրա տարատեսակությունների վրա, որպես բարբառներն ու խոսվածքները տարոորոշող կարևորագույն հատկանիշներից մեկը:

Եթե բարբառագիտությանը ծանոթ շրջանների խոսվածքներն ունեն քա-ռաստիճան բաղաձայնական համակարգ, ապա մեր հանրապետության շրջան-ներում և գյուղերում Արարատյան բարբառի՝ քառաստիճան բաղաձայնական համակարգ ունեցող ենթաբարբառների ու խոսվածքների կողքին առկա են նաև որոշակի տարատեսակություններ:

Մեր ուսումնասիրածներից քառաստիճան բաղաձայնական սիստեմ ու-նեն նոյեմբերյանի, Ալավերդու (բացի Մարցից ու Քարինջից), Սպիտակի Կաթնաջուր, Հոկտեմբերյանի Փ. Շահրիար, Հայկավան, Արագածի գյուղերի խոսվածքները, նույն շրջանում և հատկապես՝ Երասխահանում, Վարդանաշե-նում, Նալբանդյանում, Հայկավանում, Սովետականում, Գետաշենում, տե-ղակայված՝ Արարատյան բարբառի, Սուրմալուի, Ինչպես և Խերիբեկլու, Բախ-չալար գյուղերում, տեղակայված՝ Բագրանի ենթաբարբառները:

Նուստիճան բաղաձայնական սիստեմ ունեն՝ Հոկտեմբերյանի շրջանի Նալբանդյան, Այգեշատ, Տանձուտ, Վարդանաշեն, Սպիտակի շրջանի Մ. Պար-նի, Գոգարան գյուղերի խոսվածքները և երկաստիճան ձայնեղագուրկ բաղա-ձայնական սիստեմ ունեն՝ Հոկտեմբերյանի շրջանի Արմավիր, Արգավանդ, Ալավերդու շրջանի Մարց ու Քարինջ, Սպիտակի շրջանի Լեռնանցք, Զիգդա-մալ, Սպիտակ, Շենավան, Կարմիրի շրջանի Հին ու Նոր Բաշքենդ, Օրջոնիկիձե, Թթուջուր, Վերին և Ներքին ծամբարակ գյուղերի խոսվածքները: Ուսումնասի-րությունները ցույց են տալիս, որ Երևանի (նորքով և Կոնդով) խոսվածքը ևս երկաստիճան ձայնեղագուրկ բաղաձայնների համակարգ ունի: Անհրաժեշտ է նշել, որ քառաստիճան բաղաձայնական համակարգ հասկացողությունը բա-վականին առաձգական է: Ձայնեղ պայթականների շնչեղացումը հայերենի տարբեր բարբառներում ու խոսվածքներում տեղի է ունենում ոչ հավասար ուժգնությամբ: Այս երևույթը հատկապես նկատելի էր այն շրջաններում, գյուղերում, որոնց ենթաբարբառներն ենք ուսումնասիրել:

Շնչեղացումը չափազանց ուժեղ է Բայազետի, Ալավերդու, Սուրմալուի, Բագրանի, այնուհետև՝ նոյեմբերյանի խոսվածքներում: Սպիտակի Կաթնաջուր գյուղում այն շատ է զգալի, բայց որքան էլ սարօրինակ թվա, նկարագրով Լոռվա խոսվածքին պատկանող Մ. Պարնի և Գոգարան գյուղերի խոսվածքը ունի եռաստիճան բաղաձայնական սիստեմ և հատուկենտ դեպքերում առկայ-ծում են քառաստիճանության մնացորդները: Այս գյուղերի օրինակները գա-լիս են ասելու, որ բարբառների, խոսվածքների բաղաձայնական համակար-գերը, ժամանակի ընթացքում կարող են և փոփոխվել: Ձայնեղ պայթական-ների շնչեղացումը թույլ է Հոկտեմբերյանի շրջանի Փ. Շահրիար, Արագածի, Մարգարա, Հայկավան գյուղերի խոսվածքներում:

Ինքնին հասկանալի է, որ սովորական ականջով բացորոշվող այս տարբերությունները միանգամայն կրնող ծվեն, եթե այս բարբառի խոսվածքների բաղաձայնական համակարգերը դառնան մանրակրկիտ հնչյունաբանական ուսումնասիրության առարկա:

Այսպես թւումն, գրաբարյան բ, գ, դ, ձ, ջ ձայնեղ պայթականների դիմաց բառասկզբում շնչեղ ձայնեղներ՝ բ', գ', դ', ձ', ջ' ունեն Ալավերդու (բացի Մարց ու Քարինջ), Նոյեմբերյանի, Հոկտեմբերյանի՝ ֆ. Շահիրար, Հայկավան, Մարգարա, Արապաի, Սպիտակի՝ Կաթնաջուր գյուղերի խոսվածքները, ինչպես նաև Սուրմալուի խոսվածքը:

Ձայնեղները մնում են անփոփոխ Հոկտեմբերյանի՝ Նալբանդյան, Այգեշատ, Տանձուտ, Վարդանաշեն, Սպիտակի շրջանի Մ. Պարնի, Գոգարան գյուղերի խոսվածքներում և դրանց դիմաց՝ խուլ պայթականներ քմայիններ ունեն Հոկտեմբերյանի շրջանի Արմավիր, Արգավանդ, Ալավերդու շրջանի՝ Մարց, Քարինջ և Սպիտակի շրջանի Սպիտակ, Լեռնանցք, Զիզդամալ, Կարմիրի շրջանի Հին և Նոր Բաշենդ, Վերին և Ներքին Ըամբարակ, Կաթնաջուր և Օրջոնիկի՝ ձե գյուղերի խոսվածքները:

Բերենք մի քանի օրինակ եռաստիճան և քառաստիճան բաղաձայնական համակարգ ունեցող խոսվածքներից.

Բուժանել¹¹ > ֆ. Շ. բ'աժանիլ, Հ. Արզ. Մ. բ'աժնէլ, Սու. բ'աժնել, Ալ. Կ. ն. բ'րժանիլ, Նալ. բաժնիլ, Ա. Տ. Վ. բաժնէլ, Տ. Պ. Գ. բրժանիլ, բերան > ֆ. Շ. Հ. Մ. Ա. Կ. բ'էրան, Սն. Ալ. բ'երան, Նալ. Այգ Տ. Վ. Մ. Պ. Գ. բէրան, բուն > ֆ. Շ. Հ. Մ. Ա. Կ. Ալ. ն. Սու. բ'ուն, Նալ. Այգ. Տ. Վ. Մ. Պ. Գ. բուն, բան > ֆ. Շ. Հ. Մ. Ա. Կ. Ս. բ'ան, Նալ. Այգ. Տ. Վ. Մ. Պ. Գ. բան, գայլ > Ա. ֆ. Շ. Հ. Մ. Ս. Ալ. Ս. Կ. Ալ. ն. գ'էլ, Նալ. Այգ. Տ. Վ. Մ. Պ. Գ. գէլ, գարի > Ա. ֆ. Շ. Հ. Մ. Ս. Ալ. ն. Կ. գ'արի, Նալ. Այգ. Տ. Վ. Մ. Պ. Գ. գարի, գառն > Ա. ֆ. Շ. Հ. Մ. Ս. Կ. գ'առ, Ալ. ն. գ'աուր, Նալ. Այգ. Տ. Վ. Մ. Պ. Գ. գառ, գողանալ > Ա. ֆ. Շ. Հ. Մ. Սու. Կ. ն. Ալ. գ'ողանալ, դառ > Ա. ֆ. Շ. Հ. Մ. Ս. Կ. դ'առ, Ալ. ն. դ'առը, դառնը, Նալ. Այգ. Տ. Վ. Մ. Պ. Գ. դառ, դուռն > Ա. ֆ. Շ. Հ. Մ. Ս. Կ. դ'ուռ, Ալ. ն. դո'ուռը, Նալ. Այգ. Տ. Վ. Մ. Պ. Գ. դուռը, դանակ > Ա. ֆ. Շ. Հ. Մ. Սու. Մ. Ալ. ն. դ'անակ, Նալ. Այգ. Գ. Տ. Վ. Մ. Պ. դանակ, դարբին > Ա. ֆ. Շ. Հ. Մ. Սու. Կ. Ալ. ն. դ'արփին, Նալ. Այգ. Տ. Վ. Մ. Պ. Գ. դարփին, ձուն > Ա. ֆ. Շ. Հ. Մ. Սու. ձ'ուն, Ալ. ն. Կ. ձ'ին, Նալ. Այգ. Տ. Վ. Մ. ձուն, Մ. Պ. Գ. ձին, ձուկն > Ա. ֆ. Շ. Հ. Մ. Սու. Ալ. Կ. ձ'ու, Նալ. Այգ. Տ. Վ. ձուն, Մ. Պ. Գ. ձին, ձուկն > Ա. ֆ. Շ. Հ. Մ. Սու. ձ'ուդ, Ալ. ն. Կ. ձ'ուզը, Նալ. Այգ. Տ. Վ. ձուդ, Մ. Պ. Գ. ձուզը, ձի > Ա. ֆ. Շ. Հ. Մ. Սու. Ալ. ն. Կ. ձ'ի, Նալ. Այգ. Տ. Վ. Մ. Պ. ձի, ջուր > Ա. ֆ. Շ. Հ. Մ. Սու. Ալ. ն. Կ. ջ'ուր, Նալ. Այգ. Տ. Վ. Մ. Պ. Գ. ջուր, ջիլ > Ա. ֆ. Շ. Հ. Մ. Սու. Ալ. ն. Կ. ջիլ, Նալ. Այգ. Տ. Վ. Մ. Պ. Գ. ջիլ:

Արարատյան բարբառի քառաստիճան և եռաստիճան բաղաձայնական համակարգ ունեցող խոսվածքների հնչյունական համակարգերի մեջ շեղումներ, տարատեսակություններ չկան, եթե հաշվի չառնենք ուշադրության արժանացած այն հանգամանքը, որ ձայնեղների շնչեղացումը որոշ խոսվածքներում չափազանց ուժեղ է, իսկ որոշ խոսվածքներում՝ ավելի թույլ:

¹¹ Համառոտագրությունները. Այգ.— Այգեշատ, Արգ.— Արգավանդ, Արմ.— Արմավիր, Ա.— Արապաի, Հ.— Հայկավան, Մ.— Մարգարա, ֆ. Շ.— Փոքր Շահիրար, Տ.— Տանձուտ, Վ.— Վարդանաշեն, Նալ.— Նալբանդյան, Աու.— Սուրմալու, Սպ.— Սպիտակ, Լ.— Լեռնանցք, Զ.— Զիզդամալ, Կ.— Կաթնաջուր, Մ. Պ.— Մեծ Պարնի, Գ.— Գոգարան, Ն.— Նոյեմբերյան, Ալ.— Ալավերդի, Մրց.— Մարց, Ք.— Քարինջ:

Միանգամայն այլ է վիճակը Էրկաստիճան բաղաձայնական համակարգ ունեցող խոսվածքներում: Ինչպես նշել ենք, դրանք են՝ Հոկտեմբերյանի շրջանի Արմավիր և Արգավանդ, Սպիտակի շրջանի Զիզգամալ, Սպիտակ, Լեռնանցք, Շենավան (գյուղի կեսը), Ալավերդու շրջանի Մարց և Քարինջ և Կարմիրի շրջանի Հին և Նոր Բաշքենդ, Օրջոնիկիձե, Թթուջուր, Ներքին և Վերին Ճամբարակ գյուղերի խոսվածքները:

Սրանք բաժանվում են երկու, իրարից որոշակիորեն սահմանազատվող խմբերի:

Առաջին խմբի մեջ դասում ենք Հոկտեմբերյանի շրջանի Արգավանդ, Արմավիր և Սպիտակի շրջանի Զիզգամալ, Սպիտակ (Շենավան), Լեռնանցք գյուղերի խոսվածքները: Երկրորդ խմբի մեջ՝ Ալավերդու շրջանի Մարց, Քարինջ, Կարմիրի շրջանի Հին, Նոր Բաշքենդ, Վերին, Ներքին Ճամբարակ, Թթուջուր և Օրջոնիկիձե գյուղերի խոսվածքները:

Առաջին խմբի խոսվածքներում օրինաչափականը գրաբարյան ձայնեղ պայթականների դիմաց խուլերի առկայությունն է: Այս առումով Արմավիր և Արգավանդ գյուղերի խոսվածքները չափազանց միօրինակություն են պահպանում. բացի մի քանի գրական և օտար բառերից (բէմ, բէդ, բըխալ, գիր, գիրք, դատ, դաթար, դադաստան), մնացած ղեպքերում ձայնեղ պայթականների դիմաց առկա են խուլեր, հազվադեպ՝ քմայիններ և շնչեղ խուլեր (կյաղար, քըշէր, քըթնէլ): Օրինաչափությունն այստեղ այնքան զործուն է, որ ձայնեղների դիմաց խուլեր կան բաղամաթիվ գրական փոխառություններում, մի բան, որ նկատելի չէ այլ խոսվածքներում:

Այս խոսվածքին բաղաձայնական համակարգով բավականին նման են Սպիտակ, Լեռնանցք և Զիզգամալ գյուղերի խոսվածքները, սակայն ձայնեղ պայթականների դիմաց խուլ հնչյուններ ունենալով հանդերձ Սպիտակի այս խոսվածքները անհամեմատ շատ ղեպքերում պահպանում են ձայնեղ հնչյունները, մի բան, որ չի նկատվում Արմավիր և Արգավանդ գյուղերի խոսվածքներում: Այսպես. պան<բան, պարակ, գ<բարակ, պրլանիք<բանալի, պարօվ<բարեալ, պառց<բարձ, պէռ<բեռն, պիթ<բոյթ, պուն<բույն, պուռ<բուռն, պրոթոտ<բրդոտ, պրնակալ<բունկալ, պօց<բոց, պրոնիլ<բոնել-ի հետ միասին խոսվածքն ունի բաղնիք, բաղաջ, բամբակ+գ+ք, բամբասանք, բանջար, բախշիլ, բարէգամ, բարիզէնթան, բաժանիլ, բախտ, բէմ, բրրուդ բառակերպ, որտեղ բառասկզբի ձայնեղ պայթականը մնացել է անփոփոխ: Կամ՝ կառը<գառն, կարի<գարի, կարունքը<գարուն, կինի<գինի, կէդը<գիւդ, կիր<գիր, կրլուխ<գլուխ, կոմ<գոմ, կոդ<գոդ, բայց՝ զաղափար, զաղազառն, զանգաղ, գէդին, գէրանդու, գէրէգման, գէշ, գէրի, գօրձ, գօրդընուզ և այլն: Նույնն է վիճակը և մյուս ձայնեղներով սկսվող բառերում:

Սպիտակի շրջանի խոսվածքների բաղաձայնական համակարգում նկատելի է նաև հետևյալ երևույթը: Ձայնեղ պայթականների դիմաց խուլ պայթականներ, շնչեղ խուլեր և քմայիններ ունենալու հետ միասին, այդ նույն հնչյունների դիմաց, մի քանի ղեպքերում, առկա են շնչեղ ձայնեղ պայթականներ: Այսպես. գործել>գ'օրծիլ, դեղ>դ էղ, դժողք>դ ըժօխկ, գիզել>գ իզիլ, դիմանալ>դի'մանալ>դիպնիլ>դիպշիլ, դրախտ>դ ըրախտ, ձուկն>ձ'ուզր, ջոկ>ջ'օգ, ջնջել>ջ ընջիլ, ջոկել>ջ'ոգիլ:

Այսօրինակ երևույթ չի նկատվում Արարատյան բարբառի Էրկաստիճան ձայնեղադուրկ բաղաձայնական համակարգ ունեցող և ոչ մի այլ խոսված-

քում: Եթե չենք սխալվում, այն չի նկատված և որևէ այլ խոսվածքում՝ կամ բարբառում:

Ինչ վերաբերում է ձայնեղ պայթականների դիմաց շնչեղ խուլերի առկայությանը, ապա ոչ միայն վերոհիշյալ, այլև Արարատյան բարբառի գրեթե բոլոր խոսվածքներում, անկախ նրանից քառաստիճան, եռաստիճան թե երկաստիճան բաղաձայնական համակարգ ունեն նրանք, միշտ էլ մի քանի բառերում (քրթալ, քրշէր, քրշէրհանա, քրթնիլ, փրոթիլ) առկա են շնչեղ խուլեր:

Սկզբունքորեն դեմ ենք մեկ կամ երկու զանազանվող հատկանիշներ նկատի ունենալով այս կամ այն բարբառը, խոսվածքը նոր համարելով՝ մեր լեզվի առանց այս էլ բաղմամբիվ բարբառներն ու խոսվածքները ավելի քան բաղմացնելու ձգտմանը: Հակառակ դեպքում պետք է նշեինք, որ երկաստիճան ձայնեղազուրկ բաղաձայնական սխտեմ ունեցող խոսվածքների մյուս խումբը նոր խոսվածքներ են և մի նոր օղակ են կազմում մի կողմից Արարատյան բարբառի երկաստիճան ձայնեղազուրկ բաղաձայնական սխտեմ ունեցող խոսվածքների և մյուս կողմից՝ Ղարաբաղի բարբառի միջև: Ենթախոսվածք, միջխոսվածք կամ մի այլ բան, ինչպես կուզեք անվանեցեք դրանք, բայց մի բան ականհայտ է, որ մինչև այժմ եղած ուսումնասիրությունները Արարատյան բարբառի մասին իրենց խոսքն ասելիս նման օրինակ չեն նշել: Բաղաձայններով որոշ առումով նման լինելով Ղարաբաղի բարբառին այդ խոսվածքներն հնչյունափոխությամբ, ինչպես և ձևաբանական կարևորագույն հատկանիշներով Արարատյան բարբառի խոսվածք են:

Որո՞նք են Մարց, Քարինջ, Հին, Նոր Բաշքենդ, Օրջոնիկիձե, Վերին, Ներքին Ճամբարակ և Թթուջուր գյուղերի խոսվածքների բաղաձայնական համակարգի ամենաբնորոշ գծերը:

Նախորդ խոսվածքների նման խուլ պայթականներ ունենալով ձայնեղների դիմաց այս խոսվածքներում չափազանց ընդգծված են նաև քմայինները: Այսպես. պաժին < բաժին, պէրան < բերան, պիթ < բոյթ, պէո < (Մ. Ք.), պրէո, բեո, պարէկամ < բարեկամ, պարօվ < բարեալ, պաոց < բարձ, պարակ < բարակ, պ'ան < բան, պ'ուն < բոյն, պ'ուո < բուռն:

Քմայինների առկայությունը շատ ավելի օրինաչափական է Մարցի և Քարինջի խոսվածքի համար: Այս բոլոր խոսվածքներում քմայնացումը շատ ավելի է Գ-ի հնչյունափոխության դեպքում, երբ մեծ մասամբ հատկապես Մարցում և Քարինջում. գ > կ-ի հետ առկա է և կ'. այսպես. կ'ազար < գազար, կ'առը (Մ. Ք.), կառը < գառն, կ'արի (Մ. Ք.), կարի < գարի, կ'արունքը (Մ. Ք.), կարունքը < գարնանը, կէրան < գերան, կ'անկ'ատ < գանգատ, կ'օք < գոգ, կ'օղ < գող, կ'օմ < գոմ, կ'օռալ < գոռալ, կ'օրտընուկ < գորտնուկ:

Դ, ձ, ջ ձայնեղ պայթականների դիմաց ևս առկա են հիմնականում խուլ, երբեմն նաև՝ քմային հնչյուններ:

Բառամիջում և բառավերջում այս հնչյունները իրենց կրած փոփոխություններով նորություն չեն մտցնում մեր բարբառների հնչյունափոխության մեջ: Նույնը մնալով ղնգայիններից հետո, նրանց դիմաց կան շնչեղ խուլեր Բ ձայնորդից հետո:

Գրաբարյան խուլ պայթականներին՝ պ կ տ ծ ն-ին այս բոլոր խոսվածքներում բառասկզբում համապատասխանում են խուլ պայթականներ:

Առհասարակ Արարատյան բարբառի վերոհիշյալ խոսվածքների գերակշիռ

մասին հատկանշական չէ, խուլերի ձայնեղացումը բառամիջում և բառավերջում:

Ձայնեղացումը բառամիջում և բառավերջում, որպես օրինաչափություն, կա Սուրմալուի ենթաբարբառում, ինչպես և՛ Մարգարայի և Հայկավանի խոսվածքներում: Ձայնեղացումը նկատելի է նաև Վարդանաշենի և Նալբանդյանի խոսվածքներում: Խուլերի ձայնեղացումը չկա Արմավիրի, Արզավանդի, Արազափի, Տանձուտի, Փ. Շաշրիարի խոսվածքներում: Իսկ եթե բառը սկսվում է խուլ պայթականով, ապա հաճախ նույնիսկ Հայկավանի և Մարգարայի խոսվածքներում խուլերը բառամիջում և բառավերջում մենում են խուլ: Օրինակ. ճակատ > ճակատ, կասկած > կածկած, ծեծ > ծէծ, կարկուտ > կարկուտ:

Բառավերջում խուլերի ձայնեղացումը Այգեշատի խոսվածքում կա ազ, իզ, ուզ վերջածանցներում և հաճախ էլ՝ ձայնեղացման հետ միասին նույն բառում, նույնիսկ նույն բառախոսի մոտ առկա է խուլը խուլ հնչելու բացահայտ երևույթը: Այսպիսով, Հոկտեմբերյանի տաս խոսվածքներից յոթում՝ Արմավիրի, Արզավանդի, Տանձուտի, Փ. Շաշրիարի, Վարդանաշենի, Նալբանդյանի, Արազափի խոսվածքներում խուլերի ձայնեղացում չկա և կամ հազվադեպ երևույթ է: Խուլերի ձայնեղացումը հատկանշական չէ նաև Ալավերդու, Նոյեմբերյանի, Սպիտակի և Կարմիրի խոսվածքներին:

Խուլ պայթականները, ձայնեղ շփականներն ու ձայնորդները ներկայացնում են հնչյունական այն խմբերը, որոնք ինչպես հայերենի մյուս բարբառներում, այնպես էլ վերոհիշյալ խոսվածքներում քիչ են փոփոխվել:

Խոսվածքների համար տարբերիչ են միայն ձայնեղ և խուլ Հ հնչյունները: Արարատյան բարբառի խոսվածքներում առկա է հ>խ, ֆ հնչյունափոխությունը:

Հ-ի դիմաց ևս ունեն Հոկտեմբերյանի Փ. Շ. ն. Այգ. Հ. Մ. գյուղերի խոսվածքները:

Մյուս խոսվածքներում Հ-ի դիմաց կա կամ Հ, կամ՝ ֆ:

Հ-ի դիմաց Հ ունեն Հոկտեմբերյանի շրջանի մյուս գյուղերը և Կարմիրի շրջանը, իսկ Ալավերդում, Նոյեմբերյանում, Սպիտակի շրջանի խոսվածքներում Հ-ին համապատասխանում է ֆ: Հո հնչյունախմբում ֆող, ֆորթ, ֆոր, ֆորի, ֆորէվորթի և այլն:

Բացի խուլ Հ-ից Հոկտեմբերյանի խոսվածքներից մի քանիսը ունեն նաև ձայնեղ չ. որը ավելացել է բացառապես բառասկզբում, ա, ե, ի, ր ձայնավորներից առաջ: Սակայն անհրաժեշտ է նշել, որ այդ չ-ն այնքան էլ տարածված չէ, եթե համեմատում ենք կողք-կողքի ապրող այլ խոսվածքների, հատկապես Սուրմալուի խոսվածքների հետ:

Այստեղ փոքր թիվ են կազմում այն բառերը, որոնց ավելանում է չ: Օրինակ. ահուլթ > յուլթ, երեկո > յիրեգուն, ականջ > վ. Տ. յանգաջ, աղբյուր > Այգ. Տ. վ. ն. Փ. Շ. Ա. յախպուր, անկանիլ > Տ. վ. Ա. Հ. Մ. չընգընէլ, աշք > Այգ Տ. վ. ն. յաշկ, չ. աշք. երկաթն Վ. Հ. Ս. յէրգէն, Ալգ. լէրգար, Տ. էրկար. իւր > չ. յիւա, յիմանալ > Ա. Հ. յիմանալ, յիմաստուն > յիմաստուն:

Ձայնեղ չ-ն ընդգծվածորեն կա նաև Սպիտակի շրջանի Կաթնաջուր գյուղի խոսվածքում, իսկ մյուս խոսվածքներում այն հանդիպում է սակավաթիվ բառերի սկզբում:

Նոյնմբերյանի և Ալավերդու խոսվածքների համեմատությունից պարզվում է, որ ձայնեղ յ-ն վերջինում շատ ավելի տարածուն կիրառություն ունի, քան՝ Ալավերդում:

Ձայնեղ շ-ն ընդգծված է Կարմիրի շրջանի, ինչպես և Մարց ու Քարինջ գյուղերի խոսվածքում. այսպես հըմանշըիլ, հըմանշկոտ, հանիծ, հանըէր, հանդ, հափուռ (բուռ), հէրինջ, հընգէր, հընդըրէլ, հօշիլ, հօշլօտ, հըլօրրլէլ, հըպարապ (պարապ), հաքի (ագի):

* . *

Ինքնին հասկանալի է, որ մի հոդվածի սահմաններում նախաձեռնող չէ վերջնական եզրահանգումների իրավունք տվող մանրամասնություններ՝ նկարագրել Արարատյան բարբառի բաղաձայնական խոսվածքների ողջ բաղաձայնական համակարգը, սակայն մեր ձեռքի տակ եղած մեծ քանակությամբ նյութերն ու նմուշները բերում են այն եզրակացության, որ Արարատյան բարբառը մինչ այժմ համարվել է միատարր քառաստիճան բաղաձայնական համակարգ ունեցող բարբառ, որովհետև այդ բարբառով խոսող մի քանի տասնյակների հասնող գյուղերի խոսվածքները չեն ուսումնասիրվել: Այդ բարբառը բնորոշող եզրակացությունները հիմնված են եղել սակավաթիվ վայրերի խոսվածքների մասին եղած տեղեկությունների վրա, որոնցից և ոչ մեկը մանրամասն, մենագրական ուսումնասիրություն չի ենթարկվել:

Այժմ ուսումնասիրությունները ցույց են տալիս, որ Արարատյան բարբառը հայերենի բարբառների բաղաձայնական համակարգերի գրեթե մի ընդհանրություն է ներկայացնում, քառաստիճան, եռաստիճան բաղաձայնական համակարգերի հետ միասին առկա են նաև երկաստիճան ձայնեղազուրկ բաղաձայնական համակարգ ունեցող շատ խոսվածքներ, որոնք իրենց հերթին դրսևավորում են հետաքրքրական տարատեսակություններ:

Անհրաժեշտ ենք համարում նշել նաև, որ Արարատյան բարբառի այս խոսվածքների մեջ դրսևորվում են նաև երկբարբառների, ձայնավորների հնչյունափոխությունների, ինչպես նաև ձևաբանական իրողությունների նույնպիսի բաղաձայնություններ, որոնց կփորձենք անդրադառնալ մի այլ առիթով: Հակամետ ենք կարծելու, որ ութ տասնյակ գյուղերի խոսվածքները ուսումնասիրելու ընթացքում, անշուշտ, կարող են թույլ տրված լինել անճշտություններ:

Ն Մ Ո Ւ Շ Ն Ի Ր

Աւումավիւր գյուղի խոսվածքով¹³

(ՀՈՍԿԵՄԲԵՐՅԱՆ)

Կէղին սըրջանից մառթ էր էկէլ: Մէր կէղի նախագահին ին ման կալի. կործ-պան ունին հետը: Դէս նախագա, դէն նախագա, նախագա չըկա: Կընացին կատարածուն կանչէն, կէղին չէր, կընացէլ էր էվջիւար, բնդի հըրօխպօր տըղա ունի: Շափթի էս կըլօխը, էն կըլօխը կընում ա էտ կէղը: Տէսամ վօր մառթ չըկա, վէ կացա յէս կընացիմ մէր նախագահի տունը, թէ աւէմ, կանչըմ էն: Տու-

¹³ Տեղի սղության պատճառով՝ նմուշներ բերում ենք Երկաստիճան բաղաձայնական համակարգ ունեցող խոսվածքներից:

որ կօխպած էր, պանցրացամ, լուսամուտիցը նայեցիմ, մարթ-մաղաթ չրկա, ծէն-ծուն չի կալի, վայթե նախագահը հանգին ա, կրնկանը տէհամ քուչըմը, ասըմ էմ.

— Ո՛ւրա նախագահը:

Կրնիկը ասըմ ա.

— Կարունքը պացվել ա քըշէրօվ էթըմ ա, քըշէրօվ կալի, օ՛վ ա ընդրա իրէսը տէնըմ, օ՛վ ա գիգըմ հանգի՛նա, սրըջան՛ին ա, ո՛ւր ա:

Արգավանդ գյուղի խոսվածքով

(ՀՈԿՏԵՄԲԵՐՅԱՆ)

Ամառ ժամանակ էր, հուլիսին, կալերի լավ վախտըն էր, էտ վախտը խէրըս կրնացէր էր ճուր անէլու: Յէս ու քուրըս կըտուրը քընած ինք: Լուսու տէմ զառթընա, տէսա քուրըս տէղը չէր: Տէղըս պացի, էլա նանարիս (մորը) պօռացի:

Մէրըս խընօցի էր հարըմ:

Ասի.

— Նանար, Սաթօն յո՛ւր ա: Քըվօրըս անըմը Սաթօ էր:

Ասավ.

— Վայ, իմ տուեր քանդրվավ, մարթակէլը տարէր ա:

էտ վախտը մարթակէլ էր իջաթ էղէ, կէղէրիցը էրէխա էր փախցընըմ, տանըմ:

Հավար պօռաց, կէղացիքը էկան:

Աղօթրանի ճուղը ճըղվէր էր, կէղացիքը թափան, էկան, կրնացին, ման էկան, կէղի կըրաղը մէ հէկտար յօնջա սաղ տըրօրած էր, արունը յէլէր էր յօնջէն կրնացէր էր, էնգար յօնջի մէշը էտ միլաթը քաշքըշել էր քըվօրըս:

Իզը առան, կրնացին, տէհան, մօվի թըմբի վըրէն մըշկի վըրէն պառկած էր, աշկէրից արսունք էկէ, թափէր էր տօշին: Կէղացիքը էկան, թափան վըրէն, լացան: Ուէրըս ճըրի տէղիցը էկավ, տէհավ, պախը զարկէց խօղի մէշ, ուշկը կրնաց, ընգավ: Քըվօրըս տարանք տունը: Քըվօրըս էրկու բուդը էրկու բէրան տըվէր էր, մէկ էլ վօննների մանները թամիզ կէրէր էր:

Տէրությունը պէրէց խարիր խատ դազախ տըրլց դարաու: Քըշէր-ցէրէկ ընգան նաղարօվ, զուռնօվ, Ղամարլըվօվ, կէղրանքօվ սաղ ման էկան, բալի խանեն: էրկու—իրէք ամիս մընացին, վէռը շըքըթան: Թօղին, կրնացին:

Քըվօրըս էլ տարան խօրէցին: Քուր, քուր, բալի քուր, արէվին ասըմ էր. տու տուս մի գա:

Խէրըս կըծկըծու մէռավ, թամիզ քըվօրըս կըծկըծու մէռավ: Կէղացըքօվ մէ տարի, էրկու տարի լացըմ ին, իրա թայդաշ ախշրկնէրը լացըմ ին, վօր քաշէլէն, տանջէլէն, շարշարէլէն մէռավ:

Ղարիբյան Հունան Մակարի, 70 տարեկան

Լեռնանցք գյուղի խոսվածքով

(ՍՊԻՏԱԿԻ ՇՐՋԱՆ)

Մի բըժիշկ էր էկէ մէր կէղը, տէքըրըս հիվանդ էր, պէրինք կուշտը: Կօնշօլ ի էփէ, ասէց ուտում չէմ, մունդէլօվ կարտօլ էփէք: Էնա էկավ վաղարշակը, ասի՝ էս ի՞նչ ա ասըմ, չէմ իմանում: Ասէց.

— Մունդէլօվ կարտօլը անկըլպիլ կարտօլըն ա, պէ, լըվա, էփի, տու, ուտի: Մէր կէղի ճըրէրին շատ էր հավանում:

Ընդուր պան ի ասըմ, հըմի միտըս չի: Կընացէլ ի Րէվան, ծին էր էկէլ, մէր տունըն էլ մի ծօրի միշին էր. մէզ մի հըրէվան ունինք, էտ խաբարբըզիկը պէրէլ էր (մագնիտոֆոն), տըրէլ էր, յէս խօսըմ ի, տու մի ասիլ, տա կըրըմ ա: Կըրէց, կըրէց, մին էլ տէսա իմ ասածը ասէց:

Մին էլ էն պիրէլ մէր կէղը տըրանից. Յէս պան ի ասըմ, կարունքվա կօղմըն էր, տաշտին ի, պատմըմ ի, տէ էլ կըրըմ էր: Կէղացիքը մընացէլ ին շըվարած:

Ախշիկ ջան, տու պարօվ էս էկել, զրրից արինք, տուռը վօր պաց արի, ասի մէր Հունէսի ախշիկըն ա, նէ էլ թէնց, ջանօվ ա: Նըստի պան պէրիմ, կաթա էմ թրխէ, պիրէմ, կի:

Քոչարյան Փառանձեմ Մինասի, 74 տարեկան (Լեռնանցք)

Չիգղամալ գյուղի խոսվածքով

(ՍՊԻՏԱԿԻ ՇՐՋԱՆ)

Ինչ ասէմ, ամօթ ի անըմ, չի կալի, լիզուս կարճ ա, իրէք տըղէս քընացէլ էն, էկէլ չէն: Լավ էս արէ, վօր էկէլ էս մէր կէղը, մէր կէղի լիզվընէրը կիմանաս: Մէն ու վօտըս չի պըռնըմ: Կարին տարէլ ի ճուրը, լըվանըմ ի, ասին կէղը ախշիկ ա էկէ, կըրըմ ա, թօղացի, էկա:

Ասլանյանին գիղո՞ւմ էս, Ըրէվան ա ասըրըմ, յէս էմ պըհէ, մէնձացըրէ: Կալիս ա, կընըմ մէր կէղը:

Էն շախը, վօր թուրքէրը էկէլ ին մէր կէղը, քըվօրտինք ջան, աֆանդէցիք (կոզքի գյուղը) էկան, թէ ծէր էլածը տըվէք, տանէնք, պըհէնք:

Քըշէրնէրը տըռնէրը ղայմըցընըմ ինք, օվ կալիս էր, ծէն էր տալի, պաց չինք անըմ: Հացը քըցած ուտըմ ինք, մին էլ տէհանք տուռը տըվին, մէր ճաղացըն էլ պանըմ էր: Մէր Մացակը տուս էկավ, ասէց. տու տուս չըկաս, տու տուս չըկաս, համա յէս տուս էկա շարդախը: Ասի. օ՞վ էք: Մէր Ազնըվանց Լէվանը, ղօրմի իրան, ասէց. Յէս էմ, տուռը պաց արա, տըղէրք կան: Պաց շաւրի, տրրանք քընացին: Տըրանք վօր քընացին հա, պընցրացա շարդախի վէրի կուշտը, տէհա, կէղը լըցվէլ են: Յէննա, ախշըկանըս ասէմ, ռավօղը լիսը պացվէց ծէր ճանի վըրա, իմն էլ, տէհա, հէրըս էկավ, ախպօրըս տուն էր կընացէլ: Ասի.

— Ախպօրիցըս ի՞նչ խաբար, ամի ջան:

Ասէց.

— Կափրէլի կընգանը տարէլ էն:

Բիզուներ մէր աւօշկէրը սաղ ճառթէլ ին, ծրումրոէլ ին, նրճէնց ին արէ վօր:

Տէրրակրնգանրս էլ տարան, նէ էլ ԼրկուՓօրիս էր: Մի շափաթից յէննա էկավ ցրխրմը կօրած, բրրախէլ ին, էն մրնին տարէլ ին, նա տէսթօլ էր:

Իրիգուրյան Կանուշ Փիլօցի, 77 տարեկան (Չիգղամալ)

Հին Բաշֆենդ գլուղի խոսվածքով

(ԿԱՐՄԻՐԻ ՇՐՋԱՆ)

Ախճիկ ջան, հրմանչում շրէմ, խի՜ էմ հրմանչում, տրճէնց ասիլ մի, ան-
քէթ, անլուղու, անշատակ, պօրակ մանսղ մառթ, հրիվէր էմ, նհէնց ըղաշանք
արի, ասի կէրկման կրնացօղ էմ, կրլիսացաւանր տար վէշ, տլմ էլ տըժար
պլան էս ասում: Կրրիլ մի, վրիծրնիլ մի, կրնամ ճաղացր կամ մին լո՛ղվանիկ
կրնգա պրէս գրրից անրէմ:

Ե՛կ մըհի էլ ուղում էս վօռթում ուտրէմ վրէր ըսղլունը, մէր կէղիցը կէղա-
վարի մի պլան ասըէմ: Յէս էն շախը օղակավար ի ըշխաղում: Շատ ի շրրար-
վում, տրմբրովրմ ի, կօրծրս շատ էր, ըսկի ժամանակ չի ըրթանում, վրէր մրէր
կ'օմը նի մըտնըէմ, մի կ'ումէշ կար, խօտս տամ:

Հա, օղակավարի ի, ինձ մի հանդ ունի լավը շէր, լօխ խօտ էր քըցրէլ: Կէ-
րանդուն վրէր կալա, բրնացի խօտը վրէր տրվի, շուրըցրրի, հրվրթէցի, տօմբա
տրվի: Հէնց տօմբէնին էն, վրէր ամրէն մինը մի բրաբա էն:

Բրրախէցի, էկա տուն: Ամա, էտ տարին կ'օղը շատ էր, վրիսէցա կ'աղա-
նան: Քըշէրը մրիտկ ըրի, վօր խօտրս կ'աղանալ դէն, ինձ էլ ունի մի լավ էշ:
Վրէր կացա, էշը վէ կալա, բրնացի, էշի ջրնջիլը կապէցի վրէտնէրիցրս ու բր-
նէցրի: Մի վախտ տէհա վրէտիցրս տառթու տրվին, զրոթնացա, պրցրացա,
տէսա հրնգէր Դանէլյան Արմենակը մրհիկիս մրէր սօլխօղի գիրէկտօրը իմ
կըշտին կաղնած, հրրցրրուց:

— Խի՜ էս ման կլալի էս քըշէրա կէսումը: Ի՞նչ կօրծ ունրէս էս շօլի մըշին:
Յէս ըսէցրի վրէր:

— էս խօտէրը իմրն ա, կաղնրէլ էմ, վրէր կ'օղանան վիէշ:

Սանակլան Հանես Կաւապետի, 77 տարեկան

Հա, քրէ մատաղ, մի աման մածուն պիւրէմ, կրէ. էն քաղարի մածունը
զլո՛ղում շրէս Ինչ ա, ճռէրը մի տըէղօվըն ա ք՛րնում, մածունը մի տըէղօվը:

ՆՈՒՅՆԷ՛

Մաւա գլուղի խոսվածքով (Ալավերդու շրջան)

Քավօրս

Կլարունքվա կօղմը մէր կլէղմը հարսանիք էր: Քավօրը խրմէլ էր, հալից
ընգէ: Դէ, քավօրը ի՞նչ անի: Քավօր ջան, խրմի հարսի կէնացր, քավօր ջան,
խրմի փէսի կէնացր, քավօր ջան, էս էլ իմ խաթէր խրմի, սրրա խաթէր խրմի,
թէնց ասալ էն, նա էլ խրմէլ ա, վէկալան, տարան իրանց տունը, քրնըցրին:
Խավօղը լիսը վէր պա՛ց իլավ փէսէն էկավ, վէր քավօրի ապրանքնուն տանի,
ճրրի, ճլմն տա: Քավօրը ասէց:

— Յիս էլ էմ կյալի:

— Տու հօ՞ր էս կյալի:

— Հալբաթ մի գործըն էլ յէս ունէմ:

Քաշէցին, ապրանքնուն տարան ճուրը: Էշը ճուրը խրմէց, ուղըմ էր մի յա-
նօվը կրնա, քալօրը ասէց:

— Էշ ջան, մըխէլի էլ իմ խաթէր խըմի, մըխէլի էլ սըհա խաթէր խըմի:

Էշը լըսէց վռչ: Էն ա ինչդար պէտկըն էր, էնդար խրմէց: Դէ էշը վօ՞նց
կրլըսի: Քալօրը ասէց. յէս էս տնասունի դադամ չըկամ, էշի դադամ խէլք չու-
նեմ, նէ ինչ դադամ կարաց, էն դադամ խրմէց:

Ղազարյան Մովսէս Հարությունի, 66 տարեկան